



15 انجيل مرقس- ص 8

وَدَعَا الْجَمْعَ مَعَ تَلَامِيذِهِ وَقَالَ لَهُمْ: «مَنْ أَرَادَ أَنْ يَأْتِيَ وَرَأَى فَلْيُنْكِرْ نَفْسَهُ وَيَحْمِلْ صَلِيبَهُ وَيَتَّبِعْنِي (مر8:34) فإِنْ مَنْ أَرَادَ أَنْ يُخَلِّصَ نَفْسَهُ يُهْلِكُهَا، وَمَنْ يُهْلِكُ نَفْسَهُ مِنْ أَجْلِ وَمَنْ أَجْلِ الْإِنْجِيلِ فَهُوَ يُخَلِّصُهَا (مر8:35)

بعد شفاء الاعمى بتاع بيت صيدا اللي خف على مراحل, فالاول الصورة مش واضحة وبعد كدا الدنيا وضحت, وبعدين بطرس اعترف بالمسيح

فَأَجَابَ سِمَعَانُ بَطْرُسُ وَقَالَ: «أَنْتَ هُوَ الْمَسِيحُ ابْنُ اللَّهِ الْحَيِّ (مت16:16)

بينما كانت اغلب الناس لسة شايفة المسيح مجرد واحد من الانبياء. ابتدئ ربنا يسوع يكمل اعلانات.. وافق على كلام بطرس وقاله الايمان ده هو الصخرة, وبعدين كملها وقاله:

وَابْتَدَأَ يُعَلِّمُهُمْ أَنَّ ابْنَ الْإِنْسَانِ يَتَّبَعِي أَنْ يَتَأَلَّمَ كَثِيرًا، وَيُرْفُضَ مِنَ الشُّيُوخِ وَرُؤَسَاءِ الْكَهَنَةِ وَالْكَتَبَةِ، وَيُقْتَلَ، وَبَعْدَ ثَلَاثَةِ أَيَّامٍ يَقُومُ (مر8:31)

ولقينا بطرس اللي اعترف وشهد وقال ايمان مستقيم بقى يقاوم وينتهر المسيح عشان جاب سيرة الموت, فانتهرة المسيح بشدة وقاله:

فَالْتَفَتَ وَأَبْصَرَ تَلَامِيذَهُ، فَانْتَهَرَ بَطْرُسَ قَائِلًا: «أَذْهَبْ عَنِّي يَا شَيْطَانُ! لِأَنَّكَ لَا تَهْتَمُّ بِمَا لِلَّهِ لَكِنْ بِمَا لِلنَّاسِ (مر8:33)

ودى كشفنا ان الانسان فى لحظة حتى لو ايمانه قوى يجوز ايمانه يضعف بعد شوية ويقول كلام غير اللي قاله, الشيطان يآثر على افكاره, واصر المسيح لة المجد على قبول الصليب كشرط, فاحنا مسيحننا الهنا متجسد لخلصنا اتى ليموت ويقوم ويفدنا مينفعش ناخذ نص الحقيقة بس.

بعدين اعلن المسيح اعلان تالت.. انة اللي عاوز يمشى ورايا لازم ينكر نفسه

وَدَعَا الْجَمْعَ مَعَ تَلَامِيذِهِ وَقَالَ لَهُمْ: «مَنْ أَرَادَ أَنْ يَأْتِيَ وَرَائِي فَلْيُنْكِرْ نَفْسَهُ وَيَحْمِلْ صَلِيبَهُ وَيَتَّبِعْنِي (مر8:34)

كأنها 3حقائق اساسية فى المسيحية:

1- من هو المسيح؟

2- لماذا اتى المسيح؟

3- ماذا نعمل لكى نكون مسيحين؟ او اية المطلوب منا؟

لما قال:

وَدَعَا الْجَمْعَ مَعَ تَلَامِيذِهِ وَقَالَ لَهُمْ: «مَنْ أَرَادَ أَنْ يَأْتِيَ وَرَائِي فَلْيُنْكِرْ نَفْسَهُ وَيَحْمِلْ صَلِيبَهُ وَيَتَّبِعْنِي (مر8:34)

بينت ان الانسان بارادته بيختار يمشى ورا المسيح ولا لا, يعنى ان كان ربنا يسوع اتى الينا بدون اختيارنا وفدى البشرية كلها بدون اختيارها, انما الخطوة التالته لابد ان يريدنا الانسان, زى ما قال احد القديسين.. الله الذى خلقك بدونك لا يستطيع ان يخلصك بدونك.

يعنى صحيح انت اتخلقت نعمة من ربنا, المسيح مات عننا قبل مانتولد, وجة الدنيا عشان يخلصنا من غير ماياخذ رأينا انما انا عشان اتمتع بكل دة لازم يكون عندى ارادة, لازم يبقالى موقف.

وَدَعَا الْجَمْعَ مَعَ تَلَامِيذِهِ وَقَالَ لَهُمْ: «مَنْ أَرَادَ أَنْ يَأْتِيَ وَرَائِي فَلْيُنْكِرْ نَفْسَهُ وَيَحْمِلْ صَلِيبَهُ وَيَتَّبِعْنِي (مر8:34)

اكثر معطل للمسيرة الروحية هى الذات هى الانا الداخلية, هى طلباتى انا الشخصية, هى يا انا يا ربنا, فلان انا دى ينداس عليها عشان ربنا يبقى هو الكل فالكل وبأختياري, انا اللي اعمل كدة.

وَدَعَا الْجَمْعَ مَعَ تَلَامِيذِهِ وَقَالَ لَهُمْ: «مَنْ أَرَادَ أَنْ يَأْتِيَ وَرَائِي فَلْيُنْكَرْ نَفْسَهُ وَيَحْمِلْ صَلِيبَهُ
وَيَتَّبِعْنِي (مر8:34)

دى كشفت ان قصة الموت اللى ذكرها المسيح عن موة اللى زعلت بطرس كان كمان مقصود بيها موت الصليب, هما فالوقت دة لسة بيكتشفوا الخطة محضروش لسة الصليب والقيامة.

يحمل صليبية يعنى مستعد يموت حتى لو طلب منة ان يموت.

احيانا الواحد يقول: طب انا انهاردة اية صليبي؟ مش مطلوب منى اموت انهاردة؟ لا ممكن يكون مطلوب بصور مختلفة, اشهر صليب فى حياة المسيحيين هو..

1- **صليب الوصية**, وصية ربنا تمثل صليب لان الوصية بتخلينى اقطع ارادتى الشخصية واجى على نفسى واعمل

اللى ربنا قايلة, وصية زى..

لَكِنِّي أَقُولُ لَكُمْ أَيُّهَا السَّامِعُونَ: أَحْبَبُوا أَعْدَاءَكُمْ، أَحْسِنُوا إِلَى مُبْغِضِكُمْ (لو6:27)

بَارِكُوا لِأَعْيُنِكُمْ، وَصَلُّوا لِأَجْلِ الَّذِينَ يُسِيئُونَ إِلَيْكُمْ (لو6:28)

دة صليب.. واحد يسئ الى ادعية؟ ايوة طب ما دى مش سهلة! ومين قال ان الصليب سهل! الصليب فية الم وفيه تعب. واحد يلغنى اباركة؟ ايوة ماهو الصليب كدا, المسيح على الصليب بارك صالبيه, دعاهم بالغفران,

كل الوصايا تمثل اختيار للصليب.

هنسمع كلام ربنا يبقى هنشيل صليبا, يبقى هنتعب عشان نسمع كلامه, وهنبقى مستعدين نحتمل من اجل طلب المسيح, وصية ربنا تمثل صليب لما يقول:

صَلُّوا بِلَا انْقِطَاعٍ (1تس5:17)

وَقَالَ لَهُمْ أَيْضًا مَثَلًا فِي أَنَّهُ يَنْبَغِي أَنْ يُصَلَّى كُلَّ حِينٍ وَلَا يَمَلَّ (لو18:1)

صليب لية؟ عشان ارفع ايدى وقت طويل او اقف وقفه صلاة مادية مجهدة, لو قلت انا تعبان مش هصلى ابقى انا مش عاوز اشيل صليبي انما لو جيت على نفسى وتألمت فى الصلاة ابقى انا كدا بشيل صليبي صح, لو ملت يومى كلة صلاة متحديا مشغولياتى وافكارى, متحديا السرحان والضعف البشرى وعاوز الخط ميتقطعش بينى وبين ربنا الرغبة دى والجهاد دة صليب.

وَدَعَا الْجَمْعَ مَعَ تَلَامِيذِهِ وَقَالَ لَهُمْ: «مَنْ أَرَادَ أَنْ يَأْتِيَ وَرَائِي فَلْيُنْكَرْ نَفْسَهُ وَيَحْمِلْ صَلِيبَهُ وَيَتَّبِعْنِي» (مر8:34)

وهكذا كل انواع الوصايا.

2- **الصوم صليب** انا اصلب جسدى, لما الكتاب علمنا نصوم ماهو الصوم ضد الرغبات او الارادة البشرية العادية

هنا بأنكر نفسى واشيل صليبي, الاسهل انى أكل اللى انا عاوزة وأكل فى اى وقت انما عشان خاطر ربنا بأنكر نفسى
واجى على نفسى واقول لا بلاش أكل انا هصوم وهتعب عشان اشيل صليبي ورا المسيح.

مش بس الصليب صليب الوصية او صليب الصوم والصلاة..

3- **صليب احتمال التجارب**.. يمكن ربنا يسملى بأيام صعبة اذا قبلتها انا احمل صليبي, اذا رفضتها يبقى انا

مش عاوز اشيل صليبي, وطبعا اللى حابب يمشى ورا ربنا دة هيقلب الصليب وهو فرحان. لية؟ لان هو كدة متظمن
الصليب اللى متشعبط فيه دة هو طريقة للسماء, هو طريق الامجاد بعدين هنسمع عن الدينونة والحياة الابدية
والتجلى عاوز يقول هى دى السكة.

انا لو لقيت صليبي واتشعبطت فيه انا كدا ماشى كويس, انا كدا كانى مستأمن الصليب على طريق الملكوت, فاحتمال
التجارب بصبر وبشكر بفرح برضا نوع من حمل الصليب, انما رفض الايام الصعبة والاعتراض على ربنا والتذمر والغیظ
من انة الحل بيتأخر.. مش عاوز اشيل صليب لية؟ ماهو الصليب طبعا متعب.

هو احنا فاكرين ان المسيح لما كان شايل صليبية كان مستمتع بحمل الصليب! هو مستمتع بالخلاص, فرحان انة هيفدينا لكن
متألم جدا وتعبان جدا وكان بيقع تحت صليبية.

اذا حمل الصليب لة اشكال كتير, وكنيستنا من عشقها للصليب عاملة عيدين للصليب دة غير الجمعة الكبيرة جمعة
الصلبوت, دة غير كل يوم الساعة 12 ذكر الصليب, دة غير كل جمعة صيام عشان خاطر الصليب كأنها محاصرانا بالصليب,
نمسك صليب ونرشم صليب ونقول بسم الصليب, والصليب بالنسبالنا زى ما سموة الاباء اعتبروة شبكة العروسة.

المسيح لة المجد كعريس شبك البشرية يعنى خطبها لنفسة بصليبية.

واصبح الصليب بالرغم انة كان قبل كدة علامة للعار وللذل وللبهذلة اصبح انهارة حاجة غالية علينا جدا, علامة القوة
والغنى, وعلامة الحب والنصرة والابدية وبقي بالنسبالنا حاجة حلوة اوى الصليب دة.

وَدَعَا الْجَمْعَ مَعَ تَلَامِيذِهِ وَقَالَ لَهُمْ: «مَنْ أَرَادَ أَنْ يَأْتِيَ وَرَائِي فَلْيُنْكَرْ نَفْسَهُ وَيَحْمِلْ صَلِيبَهُ
وَيَتَّبِعْنِي (مر8:34)

يعنى اية؟ يشوف انا بعمل اية ويعمل, وعشان كدة التأمل فى الانجيل لا ينتهى, يعنى نلاحظ انة مفيش قداش مفيهوش انجيل.. مش مرة 3مرات: رفع بخور عشية فية فصل انجيل, ورفع بخور باكر فية فصل انجيل, وقالقداش فية فصل من الانجيل, يجوز فية البولس بس وحتة من الكاثيلكون رسايل بولس, وحتة من الابركسيس سفر الاعمال انما الاربع انجيل بتقابلنا فى القداش بشكل ما.

لانة مورانش غير نبص عالمسيح ونمشى وراة حياتنا كدا, طول حياتنا عالارض نركز المسيح كان بيقول اية نقول زية, بيعمل اية نعمل زية, بيفكر ازاي نفكر زية وعشان نبقى مسيحين, اللي خلى بولس يقول:

لأنه من عرف فكر الرب فاعلمه؟» وَأَمَّا نَحْنُ فَلَمَّا فَكَّرَ الْمَسِيحَ (1كو2:16)

يعنى بنفكر زية, نوصلها ازاي دى؟ بالروح القدس, مهو الروح القدس هو روح المسيح, فالروح القدس اللي فينا بيعلمنا المسيح بيفكر ازاي وبيقول اية وبيعلم اية, مع التأمل الدائم فى حياة ربنا يسوع والتفكير الدائم فى كل خطوة فى حياة على الارض يخلى كلمة يتبعنى دى سهلة, يتبعنى مش صعبة طول ما فعلا انا مذاكر وحاطط المسيح قصاد عيني, وعشان كدا نسمى تلاميذ.

تلاميذ يعنى اية؟ مكنش طول النهار مقدهم يديهم دروس لا خالص هو عاش معاهم فهما شربوا الحكاية شرب, التلمذة مش بس نسمعة ونفكر فية لا الموضوع اكبر من كدا, التلمذة حياة نشربها نستلمها.

فكانوا يشوفوا المسيح بيتكلم مع الناس ازاي ويتعلموا, يشوفوا المسيح بياكل امتى وينام امتى, بيصحى ازاي واية اللي بيزعلة واية اللي بيفرحه, بيصلى ازاي فى كل موقف وبالتالي صاروا تلاميذ وعلما بقى الجيل اللي وراهم.

علموهم اية؟ لما كان اى حد يسأل اى حد من التلاميذ يقولة اعمل اية يقولة احنا شوفنا المسيح بيعمل كدا, احنا اتعلمنا من المسيح كذا هي التلمذة كدة, تلاميذ تلاميذ هي كلها تلمذة فى بعض..

فَادْهَبُوا وَتَلْمَذُوا جَمِيعَ الْأُمَمِ وَعَمَدُوهُمْ بِاسْمِ الْآبِ وَالْإِبْنِ وَالرُّوحِ الْقُدُسِ (مت19:28)

وَعَلِّمُوهُمْ أَنْ يَحْفَظُوا جَمِيعَ مَا أُوصِيْتُكُمْ بِهِ. وَهَا أَنَا مَعَكُمْ كُلَّ الْأَيَّامِ إِلَى انْقِضَاءِ الدَّهْرِ». آمِينَ (مت20:28)

وَدَعَا الْجَمْعَ مَعَ تَلَامِيذِهِ وَقَالَ لَهُمْ: «مَنْ أَرَادَ أَنْ يَأْتِيَ وَرَائِي فَلْيُنْكَرْ نَفْسَهُ وَيَحْمِلْ صَلِيبَهُ
وَيَتَّبِعْنِي (مر8:34)

ينكر نفسه احنا بناخد قوتها فى المعمودية لية؟ فى المعمودية بيحصل اية؟ اللى بيحصل انا بموت والمسيح يدخل يعيش مطرحى.

مَعَ الْمَسِيحِ صُلِبْتُ، فَأَحْيَا لَأَنَا، بَلِ الْمَسِيحِ يَحْيَا فِيَّ. فَمَا أَحْيَاهُ الْآنَ فِي الْجَسَدِ، فَإِنَّمَا أَحْيَاهُ فِي الْإِيمَانِ،
إِيمَانَ ابْنِ اللَّهِ، الَّذِي أَحْبَبْتَنِي وَأَسَلَمَ نَفْسَهُ لِأَجْلِي (غل:2:20)

لا انا دى انكار النفس.

مَعَ الْمَسِيحِ صُلِبْتُ، فَأَحْيَا لَأَنَا، بَلِ الْمَسِيحِ يَحْيَا فِيَّ. فَمَا أَحْيَاهُ الْآنَ فِي الْجَسَدِ، فَإِنَّمَا أَحْيَاهُ فِي الْإِيمَانِ،
إِيمَانَ ابْنِ اللَّهِ، الَّذِي أَحْبَبْتَنِي وَأَسَلَمَ نَفْسَهُ لِأَجْلِي (غل:2:20)

انا خدت قوتها دى يوم ما اتعمدت والروح القدس ختم عليها وقالى خلاص روح المسيح هى اللى هتعيشك فبقى عندي امكانية, ان واحد يقول ان انكار النفس دة عملية صعبة جدا.. هى صعبة لو مكنتش موت وقمت ولو مكنتش روح المسيح ساكن فيك تبقى مش صعبة تبقى مستحيلة, انما هى مش صعبة لانى واخذ قوتها الدينامو بتاعى جوايا خلاص, روح المسيح فيا وانا اساسا موت كائناتن وقام المسيح فيا.

مَعَ الْمَسِيحِ صُلِبْتُ، فَأَحْيَا لَأَنَا، بَلِ الْمَسِيحِ يَحْيَا فِيَّ. فَمَا أَحْيَاهُ الْآنَ فِي الْجَسَدِ، فَإِنَّمَا أَحْيَاهُ فِي الْإِيمَانِ،
إِيمَانَ ابْنِ اللَّهِ، الَّذِي أَحْبَبْتَنِي وَأَسَلَمَ نَفْسَهُ لِأَجْلِي (غل:2:20)

اذا الموضوع مش صعب, وبعدين حمل الصليب طيب ماهو المسيح شالة.. المسيح اللى فيا هيشيلة, المسيح اللى دخل فيا دلوقتى يقدر يشيلة هيهون عليا ويساعدنى ويسندنى لان اللى شال هيشيل.

وبعدين يتبعنى مبقنتش صعبة. لية؟ يا افتح الانجيل واشوف اعمل اية يا اصلى واكلم ربنا واقولة طيب اعمل اية همشى وراة, فأصبحت الحياة فى المسيحية مهياش حاجة مستحيلة.. هى مستحيلة على الانسان العادى صعبة, انما بنعمة المسيح لة المجد..

أَسْتَطِيعُ كُلَّ شَيْءٍ فِي الْمَسِيحِ الَّذِي يُقَوِّينِي (فى:4:13)

فى المسيح هو دة السر اللى احنا عايشين بيه.. سر المعمودية, سر تناول, سر التوبة, سر الميرون وسر تناول كل دة بيثبت فيا وانا فية, يقوم اللى شال الصليب يشيل معايا, واللى عمل كل دة يعمل فى حياتى, واللى قال كل الكلام دة يخلىنى اطقة بنعمة وقوة.

فَإِنَّ مَنْ أَرَادَ أَنْ يُخَلِّصَ نَفْسَهُ يُهْلِكُهَا، وَمَنْ يُهْلِكُ نَفْسَهُ مِنْ أَجْلِي وَمَنْ أَجْلِ الْإِنْجِيلِ فَهُوَ
يُخَلِّصُهَا (مر:8:35)

دة مش قال ينكر نفسة المرة دى دة قال يهلك, زادت كدا يارب. يعنى اية؟ طول مانا مركز اريح نفسى انا بأذى نفسى دون ان ادري, طول مانا مركز انى اتمجد فى اليومين دول انا بعطل نفسى وبضيعها, لو نسيت نفسى حتى لو جات بأذى لنفسي.. طبعاً مش بأذى نفسى بايدى انا كدا بحفظها لحياة ابدية بخلصها.

برضو هنا كلمة يخلص نفسة يعنى اية؟ لو واحد شايف ان الخلاص بأيدة هو بعيدا عن المسيح هو بيهلك نفسة, فى واحد شايف ان السعادة فالدنيا فى الفلوس والمراكز والشهوات بيهلك نفسة, بيضيع نفسة, بيأذى نفسة.

واحد شايف ان الخلاص من المشاكل فى العلاقات والرشاوى والفلوس.. طب انت فاكّر نفسك بتخلص نفسك! انت بتهلك نفسك, واحد شايف انة عاوز يطول عمرة شوية بالصحة والادوية انت فاهم الحكاية غلط..

الخلاص مش شطارة من الانسان.. الخلاص عطية من المسيح.

انما انا لو نسيت نفسى هيجيلى الخلاص لوحدة لاني مشغول بربنا, انا انشغل بربنا وهو ينشغل بيا, هو يشيلنى كدا ويشيل همى وحالى وعبالى ويوعدى بالسما, زى الاية اللى بتقول:

لَكِنْ اَطْلُبُوا اَوَّلًا مَلَكُوتَ اللَّهِ وَبِرَّهُ، وَهَذِهِ كُلُّهَا تَزَادُ لَكُمْ (مت6:33)

كل الناس عايشة فى هذة كلها سابوا النص الاولانى وبيطلبوا..

لَكِنْ اَطْلُبُوا اَوَّلًا مَلَكُوتَ اللَّهِ وَبِرَّهُ، وَهَذِهِ كُلُّهَا تَزَادُ لَكُمْ (مت6:33)

فلا مستمتعين بالملكوت ولا واخدين..

لَكِنْ اَطْلُبُوا اَوَّلًا مَلَكُوتَ اللَّهِ وَبِرَّهُ، وَهَذِهِ كُلُّهَا تَزَادُ لَكُمْ (مت6:33)

لانة عكس الاية.. الاية مش بتقول اطلبوا كل الامور وهديكم الملكوت ببلاش, لا اطلبوا الملكوت وكل الامور الباقية هتيجى ببلاش, واحنا بدل مانصلى ونقول يارب احنا عاوزين ملكوتك اهدينا الى ملكوتك, متحرمناش من ابديتك, ادينا غفران, ادينا حكمة, ادينا تواضع, ادينا توبة كل دة اسمة ملكوت الله وبرة.

نلاقى كل الناس بتقول هذة.. لا يارب مش مهم الملكوت احنا عاوزين هذة عاوزين الاكل والشرب والصحة والنجاح, طب ماهو قايل هذة كلها تزداد دى عالبيعة, نقوم نركز اللى عالبيعة! طيب مانشترى الشروة الاول, ندخل فى المشروع ككل, نفس المعنى..

فَإِنَّ مَنْ أَرَادَ أَنْ يُخَلِّصَ نَفْسَهُ يُهْلِكُهَا، وَمَنْ يُهْلِكُ نَفْسَهُ مِنْ أَجْلِ وَمِنْ أَجْلِ الْإِنْجِيلِ فَهُوَ يُخَلِّصُهَا (مر8:35)

ما هو اصله ماشية مع فكرة..

وَدَعَا الْجَمْعَ مَعَ تَلَامِيذِهِ وَقَالَ لَهُمْ: «مَنْ أَرَادَ أَنْ يَأْتِيَ وَرَائِي فَلْيُنْكَرِ نَفْسَهُ وَيَحْمِلْ صَلِيْبَهُ وَيَتَّبِعْنِي (مر8:34)

يحمل صليبية يعنى مستعد يموت, كل الناس مش عاوزة تموت بتهرب من الموت, لكن اللي ماشى مع ربنا ومش خايف من الموت هو دة اللي بيخلص نفسه.

فَإِنَّ مَنْ أَرَادَ أَنْ يُخَلِّصَ نَفْسَهُ يُهْلِكُهَا، وَمَنْ يُهْلِكُ نَفْسَهُ مِنْ أَجْلِ وَمِنْ أَجْلِ الْإِنْجِيلِ فَهُوَ يُخَلِّصُهَا (مر8:35)

لئلا حد يفتكر انه يهلك نفسه يعنى ينتحر, او يهلك نفسه يعنى ياذى نفسه لا طبعاً..

فَإِنَّ مَنْ أَرَادَ أَنْ يُخَلِّصَ نَفْسَهُ يُهْلِكُهَا، وَمَنْ يُهْلِكُ نَفْسَهُ مِنْ أَجْلِ وَمِنْ أَجْلِ الْإِنْجِيلِ فَهُوَ يُخَلِّصُهَا (مر8:35)

هنا نلاحظ ان الانجيل والمسيح واحد يعنى المسيح وكلامه حاجة واحدة, فانا عشان خاطر ربنا بصلى وبتعب, عشان خاطر ربنا بصوم حتى يمكن فوق طاقتى شوية, عشان خاطر ربنا بسامح, عشان خاطر ربنا بخدم وبعرض نفسى لحاجات كبيرة, عشان خاطر ربنا بتعرض لاضهادات او ضيقات.. كويس انا كدا ماشى صح, لاني اهلك نفسى من اجلة ومن اجل الانجيل.

من اجل الالهة يميل معناها: ياما طاعتنا للوصية اهلك نفسى ياما كرازة بالالهة يميل اهلك نفسى.

يعنى الاباء الرسل لية استشهدوا كلهم ماعدا يوحنا؟ عشان كرزوا بالانجيل, كان تمن كرازتهم كلهم ماتوا, اتعذبوا كثير وفالاخر استشهدوا بس يافرحتهم بالسماء, ويوخرنا الحبيب كذا مرة يتعرض للموت وربنا يحافظ عليه بس عشان يكتب رؤيا يوحنا وانجيل يوحنا ورسائل لغرض, لكن كلهم عاشوا بيهلكوا نفسهم كل يوم, يقول معلمنا بولس:

كَمَا هُوَ مَكْتُوبٌ: «إِنَّا مِنْ أَجْلِكَ نَمَاتُ كُلَّ النَّهَارِ. قَدْ حُسِبْنَا مِثْلَ غَنَمٍ لِلذَّبْحِ (رو8:36)

يعنى الغنمية اللي هيذبوها ان مكنش انهارة بكرة, فقال احنا بقينا عاملين زى الغنم اللي كدا كدا هيتدبحوا فمش فارقة.

أَهُمْ خُدَّامُ الْمَسِيحِ؟ أَقُولُ كَمَحْتَلِّ الْعَقْلِ، فَأَنَا أَفْضَلُ: فِي الْأَتْعَابِ أَكْثَرُ، فِي الضَّرْبَاتِ أَوْفَرُ، فِي السُّجُونِ أَكْثَرُ، فِي الْمَيِّتَاتِ مَرَارًا كَثِيرَةً (2كو11:23)

فَإِنَّ مَنْ أَرَادَ أَنْ يُخَلِّصَ نَفْسَهُ يُهْلِكُهَا، وَمَنْ يُهْلِكُ نَفْسَهُ مِنْ أَجْلِ وَمِنْ أَجْلِ الْإِنْجِيلِ فَهُوَ يُخَلِّصُهَا (مر8:35)

هل وصية ربنا ممكن تخلىنى اهلك نفسى؟ طب اقبل ولا مقبلش؟ هل عشان اقدم المسيح للناس اتعرض لمشاكل اقبل اقمة ولا مقبلش؟ وعشان كذا يكمل ويقول:

لأنه ماذا ينتفع الإنسان لو ربح العالم كله وخسر نفسه؟ (مر8:36)

طب انا جيت عالوصية وقعدت امشى فالدنيا بطريقة الدنيا والشيطان عمال يدينى ويحط فى حجرى, ويعرض عليا كنوز الدنيا كلها بالغش والسرقه والكذب خلاص انا سببت الوصية.. طيب خدت قصر ولا بلد ولا الدنيا كلها وبعدين! هتقدر الدنيا كلها تعطل يوم الدينونة! طيب نفسى رايحة فين بعد كذا!

زى مثل الغنى ولعازر.. الغنى الغبى خد الدنيا طب وبعدين! حتى لو خدها لا هيلاقى راحة فالدنيا سعادة وفى الاخر جهنم دينونة فخرس نفسه, انما الحكيم هو اللى يخسر الدنيا او ويفرقش معاة الدنيا, يكسبها ولا يخسرها رخيصة انما كل اللى شاغلة ميخسرش نفسه.

لأنه ماذا ينتفع الإنسان لو ربح العالم كله وخسر نفسه؟ (مر8:36)

أو ماذا يعطى الإنسان فداءً عن نفسه؟ (مر8:37)

نتصور واحد عنده فلوس كتير اوى وبعدين جالة مرض, والمرض محتاج كل الفلوس دى, غالباً هيقول خدوا الفلوس بس متسيبونيش اموت, اية رايك بقى ان هنا مفيش فلوس تندفع.

أو ماذا يعطى الإنسان فداءً عن نفسه؟ (مر8:37)

مش هعرف, مفيش فدية غير المسيح لة المجد وانا مقبلتوش, معشتش لية ومعشتش معاة ممشيتش وراة فانا رفضت الفداء, اى فداء اخر ممكن يشتغل! مفيش خلاص, الفداء الوحيد لنفسى هو المسيح لة المجد فانا لو اشتريته انا اشتريت نفسى هى دى المعنى, انما رفضت المسيح وتبعيته يبقى انا ضيعت نفسى وخسرتها ومش هعرف اشتريها بأى حاجة تانى.

✚ زى الغنى فى مثل الغنى ولعازر.. لو قولنا للغنى وهو بيتلوى فى النار فى جهنم: تدفع كام وتاخذ ساعة برا جهنم؟ مش عمر اشترى نفسك ساعة, يقول خدوا كل فلوسى اللى كانت عندى, نقولة مينفعش, بس انهارده خدوا كل فلوسى!

✚ طيب مكان عندك فرصة خير كان لعازر قصاد عينك. مخدمتوش لية؟ عشان مكنش فية ايمان, مكنش مصدق الوش التانى من الحقيقة مش شايفة, مكنش عاوز يشوفه, بقى يترجى ابونا ابراهيم يقولة ابعت لعازر يبيل لسانى بطرف صباغة بس, قالة مينفعش.

أَوْ مَاذَا يُعْطَى الْإِنْسَانَ فِدَاءً عَنِ نَفْسِهِ؟ (مر8:37)

مفيش حاجة تفديك انت خلاص بعد مارفضت المسيح لة المجد مفيش فداء ليك.

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِئِ، فَإِنَّ ابْنَ الْإِنْسَانِ يَسْتَحَى بِهِ مَتَى جَاءَ

بِمَجْد أَبِيهِ مَعَ الْمَلَائِكَةِ الْقُدِّيسِينَ (مر8:38)

كما سبق كان فية 3اعلانات او حقائق قدمها المسيح فالاصحاح دة..

1- اعلان عن لاهوتة بغم بطرس..

فَقَالَ لَهُمْ: «وَأَنْتُمْ، مَنْ تَقُولُونَ إِنِّي أَنَا؟» فَأَجَابَ بَطْرُسُ وَقَالَ لَهُ: «أَنْتَ الْمَسِيحُ (مر8:29)

قالة:

فَأَجَابَ يَسُوعُ وَقَالَ لَهُ: «طُوبَى لَكَ يَا سَمْعَانَ بْنَ يُونَا، إِنَّ لَحْمًا وَدَمًا لَمْ يُعْلِنَنَّ لَكَ، لَكِنَّ أَبِي الَّذِي فِي السَّمَاوَاتِ (مت16:17)

الايمان بالمسيح الاله.

2- المسيح الفادي المخلص, الموت والقيامة.

3- تبعية المسيح وشروطها.

4- المسيح الديان. المسيح جاى فالآخر وهيبقى هو محك الدينونة هو الفاصل, هو اللي هيميز, هو اللي فى ايدة

القرار لان الاب قد اعطى الدينونة كلها للابن.

يعنى اية؟ المسيح لما يجى عالسحاب اللي تبعه يعنى اللي مشيوا وراة, اللي صدقوا الاعلانات دى هما دول اللي هيطيروا معاة عالسحاب, اللي مش تبعه ضيعوا كل حاجة, فربنا يسوع حطها فى اية واحدة تخوف مصيرية جدا..

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِي، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ بِمَجْدٍ أَبِيهِ مَعَ الْمَلَائِكَةِ الْقَدِيسِينَ (مر8:38)

يعنى قال معرفهوش مليش دعوة بية, عشان كدا موقف بطرس سميناة انكار. انكار لية؟ لانه استحي من المسيح, وهنا كان الكلام لبطرس على فكرة, لان بطرس كان علطول قبلها بيقول:

فَأَخَذَهُ بَطْرُسُ إِلَيْهِ وَابْتَدَأَ يَنْتَهَرُهُ قَائِلًا: «حَاشَاكَ يَا رَبُّ! لَا يَكُونُ لَكَ هَذَا(مت22:16)

بلاش السيرة دى قالة:

فَأَلْتَفَتَ وَأَبْصَرَ تَلَامِيذَهُ، فَأَنْتَهَرَ بَطْرُسَ قَائِلًا: «أَذْهَبْ عَنِّي يَا شَيْطَانُ! لِأَنَّكَ لَا تَهْتَمُّ بِمَا لِلَّهِ لَكِنْ بِمَا لِلنَّاسِ(مر8:33)

انت مش عارف الغلطة دى ممكن تعمل فيك اية ممكن تخليك مش تبعى الى الابد, عشان كدا قبل الصليب يقولة:

إِذَا قَالَ الرَّبُّ: «سَمْعَانُ، سَمْعَانُ، هُوَذَا الشَّيْطَانُ طَلَبَكُمْ لِكَيْ يُعْرِبَكُمْ كَالْحَنْطَةِ(لو22:31)

وَلَكِنِّي طَلَبْتُ مِنْ أَجْلِكَ لِكَيْ لَا يَفْنَى إِيمَانُكَ. وَأَنْتَ مَتَى رَجَعْتَ ثَبَّتْ إِخْوَتُكَ(لو22:32)

يعنى الشيطان عينة فيك وناويلك عشان تقع فالخطية اللي ممكن تضيع ابديتك, بس انا عمال اطلب من اجلك عشان ايمانك ميروحش وتتوب وترجع.

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِي، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ بِمَجْدٍ أَبِيهِ مَعَ الْمَلَائِكَةِ الْقَدِيسِينَ (مر8:38)

هل ممكن يكون احنا فى وقت بنستحي بالمسيح وبكلامه؟ للاسف بيحصل, ساعات نبقى قاعدين وبتكسف نجيب سيرة ربنا احسن يقولوا عليا مدروش بقى سيرة ربنا يقولوا عليك! بقى الناس برة تتكلم فى اى سيرة وفى اى موضوع ولا يستحووا, يعنى الناس لا تستحي ان تتكلم حتى فى الخطايا وانت اللى عندك الحق تستحي انك تقول دة المسيح قال! الله هو احنا عندنا اية موضوع تانى نتكلم فيه احلى من كدة! دة هو دة موضوع فخرنا..

وَأَمَّا: «مَنْ افْتَخَرَ فَلْيَفْتَخِرْ بِالرَّبِّ(كو2:17)

الى عددة الانجيل عددة كنز.. اقوم استحي بكلمة ربنا واستحي بربنا لة المجد نفسة! وغير المؤمنين لا يستحون ان يتكلموا فى اى شئ, واللى ايمانهم غيرنا لا يستحون ان يقدموا ايمانهم. اقوم انا استحي من ايمانى ومن مسيحي ومن انجيلي!

صحيح الموضوع عاوز حكمة, وعاوز تروى. وعاوز وداعة واختيار وقت مناسب وكلام مناسب لكن احاسب وارجع على قلبي لنلا اكون استحي, ربنا فاحص القلوب هيشوفها, هيشوف ان كنت انا عاوز مجيبش السيرة لحسن يعرفوا انى مسيحي دى تحزن ربنا يسوع, بعد كل اللي عملة عشاننا واحنا مكسوفين نجيب سيرتة, مكسوفين نقول ان احنا مسيحيين او مكسوفين نقول كلام المسيح.

اللى يحب ربنا يبقى فى كل قعدة عاوز يجيب سيرة ربنا.

ومعدوش مشكلة يتكلم ببساطة والناس قدام ايمانه وبسطاته عطول بتبصلة باعجاب, ولو فيها اذية طب ومالة..

فَإِنَّ مَنْ أَرَادَ أَنْ يُخَلِّصَ نَفْسَهُ يُهْلِكُهَا، وَمَنْ يُهْلِكُ نَفْسَهُ مِنْ أَجْلِ وَمَنْ أَجْلِ الْإِنْجِيلِ فَهُوَ يُخَلِّصُهَا (مر8:35)

مش موضوعنا الكرازة لكن الاية بتراجع علينا القرار دة.. هل نستحي؟ احيانا نستحي, ساعات الناس يبقى عندها اسئلة عاوزة تسأل وبدافع كويس, بدافع المعرفة مش بدافع وحش واحنا نقول لا احنا مبتكلمش, مبتكلمش لية! دا الاية بتقول:

بَلْ قَدِّسُوا الرَّبَّ الْإِلَهَ فِي قُلُوبِكُمْ، مُسْتَعِدِّينَ دَائِمًا لِمُجَابَةِ كُلِّ مَنْ يَسْأَلُكُمْ عَنْ سَبَبِ الرَّجَاءِ الَّذِي فِيكُمْ، بِوَدَاعَةٍ وَخَوْفٍ (1بط3:15)

تقوم لما تيجى لغاية عندى واتسئل مش هبشر اتسئلت مجاوبش حتى على اد السؤال! هل استحي بكلام الله؟ هل استحي انى مسيحي؟ طب دا هو الديان هو اللي جاى ساعتها كل اللي مش تبعه هيستحون بجد الى اخر الدهور.

وَأَفِيضْ عَلَى بَيْتِ دَاوُدَ وَعَلَى سَكَّانِ أُورُشَلِيمَ رُوحَ النِّعْمَةِ وَالتَّضَرُّعَاتِ، فَيَنْظُرُونَ إِلَيَّ، الَّذِي طَعَنُوهُ، وَيَنُوحُونَ عَلَيْهِ كَنَائِحٍ عَلَى وَحِيدٍ لَهُ، وَيَكُونُونَ فِي مَرَارَةٍ عَلَيْهِ كَمَنْ هُوَ فِي مَرَارَةٍ عَلَى بَكْرِهِ (زك10:12)

ويقولوا للجبال والاكمام اسقطى علينا وغطينا..

وَهُمْ يَقُولُونَ لِلْجِبَالِ وَالصُّخُورِ: «اسْقِطِي عَلَيْنَا وَأَخْفِينَا عَنْ وَجْهِ الْجَالِسِ عَلَى الْعَرْشِ وَعَنْ غَضَبِ الْخُرُوفِ (رؤ6:16)

لان الخجل فاليوم دة ملوش نهاية. وانا بقى المسيحي اللي كنت تبع المسيح ولا استحي منة ابقى رافع راسى وفرحان, هو دة مسيحي اللي بكلمكم عنة, هو دة اللي انا عشت اشهدلة, هو دة الهى اللي انا مت عشانة طبعا يوميهما يبقى رافع راسة ومنور.

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِئِ، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ بِمَجْدٍ أَبِيهِ مَعَ الْمَلَائِكَةِ الْقَدِيسِينَ (مر8:38)

هنشوف وصفة باية؟

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِي، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ
بِمَجْدٍ أَبِيهِ مَعَ الْمَلَائِكَةِ الْقَدِّيسِينَ (مر8:38)

دة جيل شرير اقوم انا اسيبهم يتكلموا براحتهم وانا الانسان اللي عندى الحقيقة استحي! جيل فاسق خاطي يتندر بالفسق
والخطية, لا يستحون ان يتكلموا فى انواع الشرور, هما لا يستحون واحنا نستحي ازاي!

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِي، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ
بِمَجْدٍ أَبِيهِ مَعَ الْمَلَائِكَةِ الْقَدِّيسِينَ (مر8:38)

النتيجة صعبة لو اتكسفت اقول انا تبعة هو كمان هيتكسف يقول دة تبعى تبقى شغلانة صعبة اوى, اجى اقولة يارب دانا
تبعتك انا مسيحي يقول معرفكش, يارب ازاي متعرفنيش! هو فية حاجة انت متعرفهاش! يقولى راجع الكتاب وشوف دا
اتفاق من الاول.. انت تستحي بيا انا استحي بيك, تعترف بيا اعترف بيك, تقول انا تبعة اقول ايوة دا تبعى, تقول انا مش
تبعة اقول خلاص دة مش تبعى.

مش انت اللي قولت جاي تغالط لية يا انسان! انت اللي قولت فى اليومين بتوع الدنيا انا مش تبعة خلاص انا اخدت على
كلمتك, وشيلت اسمك من سفر الحياة جاي تقول انا تبعتك لية دلوقتي؟ لو قولت طول حياتك انا تبعة خلاص انا لازم اعترف
بيك قدام الملايكة كلهم اقول دة تبعى.

ياترى انا تبعة ولا مش تبعة؟ هل انا رافع راسى ويقول لا انا تبعة؟ تبعة يعنى زى كلمة يتبعنى انا بتاعة انا بتاع ربنا, انا
عاوز ربنا يسوع انا مش عاوز هذا الجيل الفاسق الشرير هاخذ منة اية مهما يقعد يشكر فيا ولا يمجد فيا, دة جيل فاسق
خاطي نهائية وحشة انما اللي هيقعد الحاكم الديان ربنا يسوع وحدة.

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِي، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ
بِمَجْدٍ أَبِيهِ مَعَ الْمَلَائِكَةِ الْقَدِّيسِينَ (مر8:38)

يبقى الحقيقة الرابعة او الاعلان الرابع مهم جدا حجر اساس فى ايماننا المسيحي.. اننا ننتظر المسيح, قد اتى الينا مخلصا
وسياتى الينا ديانا فنتظرة, مازلنا ننتظرة لكن..

كل ما نفتكر حكاية انة جاي تانى نقولة يارب كرحمتك وليس كخطايانا.

لانك ادبتنا كل وسائط الخلاص, فتحتلنا طريق الخلاص, بقينا احنا مسنولين معاك عن خلاصنا, ارحمنا يارب من كثرة
خطايانا ودلغنا ولا تستحي بينا فى هذا اليوم.

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِي، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ
بِمَجْدٍ أَبِيهِ مَعَ الْمَلَائِكَةِ الْقَدِيسِينَ (مر8:38)

طيب يارب احنا عرفنا انك ابن الله لسة بتقول ابن الانسان؟ هنا بيجمع فالاية دى كونة ابن الله وابن الانسان, لانة بيقول:

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِي، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ
بِمَجْدٍ أَبِيهِ مَعَ الْمَلَائِكَةِ الْقَدِيسِينَ (مر8:38)

يبقى هو ضمنا بيقول وانا ابن الله وليا نفس مجد الاب, عشان كدا فى صلابة الوداعية يقول:

وَالآنَ مَجْدُنِي أَنْتَ أَيُّهَا الْآبُ عِنْدَ ذَاتِكَ بِالْمَجْدِ الَّذِي كَانَ لِي عِنْدَكَ قَبْلَ كَوْنِ الْعَالَمِ (يو17:5)

انا مجدتك على الارض انت مجدى زى مانا مجدتك, عشان كدا لما اريوس كان يقول: بدال المسيح بيقول مجدى يبقى اقل
من الاب, فاتناسيوس قاله: بص للاية اللى بعدها كدا.. هو قاله مجدى وقاله بعدها انا مجدتك.

المسيح لة المجد قال:

وَالآنَ مَجْدُنِي أَنْتَ أَيُّهَا الْآبُ عِنْدَ ذَاتِكَ بِالْمَجْدِ الَّذِي كَانَ لِي عِنْدَكَ قَبْلَ كَوْنِ الْعَالَمِ (يو17:5)

ف اريوس عشان بي فهمها بفلسفة مش ماشى على ايمان الكنيسة, قال بيقول مجدى يبقى كانة بيطلب المجد من براهه يبقى
هو كدا اقل من الاب, ف اثناسيوس قاله انت بتفهم الحاجة غلط لية كمل بقية الصلاة وشوف, المسيح اللى قاله مجدى قاله:
انا مجدتك, يبقى الاب يعطى المجد للابن والابن يعطى المجد للاب, يبقى مين اقل من مين! مفيش حد اقل من حد.

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِي، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ
بِمَجْدٍ أَبِيهِ مَعَ الْمَلَائِكَةِ الْقَدِيسِينَ (مر8:38)

يعنى هو نفس المجد لانة طبيعة واحدة جوهر واحد لاهوت واحد, فلانة لاهوت واحد المجد واحد, كونة اخلى ذاته واخذ
صورة العبد فأخفى مجده بالتجسدة مش معناه انه غير ممجد, لة كل المجد والعظمة الى دهر الدهور مع ابية الصالح
والروح القدس لة اللى بنقولة فالصلاة كل يوم.. لك المجد مع ابيك الصالح والروح القدس. فهنا بيقول:

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِي، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ
بِمَجْدٍ أَبِيهِ مَعَ الْمَلَائِكَةِ الْقَدِيسِينَ (مر8:38)

يبقى قال: ابن الانسان تأكيذا على تجسدة وناسوته وطبيعته البشرية, وقال: ياتى بمجد ابية تأكيذا على الوهية وكمنا
لاهوتة, وذكرنا معلومة مهمة..

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِئِ، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ بِمَجْدٍ أَبِيهِ مَعَ الْمَلَائِكَةِ الْقَدِيسِينَ (مر8:38)

وفى اناجيل اخرى يقول مع الملائكة والقديسين. يعنى اية؟ يعنى يوم مايجى المسيح المرة دى جاى بزفة بقى. يعنى يوم ماجة اول مرة وتجسد ودخل عالمنا دخل بأوضاع شديد ودخل فى عشة, وكان معاة مريم امة ويوسف النجار وشوية رعاة زاروة فى ليلتها والحكاية على ادها اوى, وان كانت الملائكة هيصت وقالت:

الْمَجْدُ لِلَّهِ فِي الْأَعَالِي، وَعَلَى الْأَرْضِ السَّلَامُ، وَبِالنَّاسِ الْمَسْرَّةُ (لو2:14)

لكن دخل بالراحة سكتى انما المرة الجاية يأتى فى مجد على السحاب..

هُوَذَا يَأْتِي مَعَ السَّحَابِ، وَسَتَنْظُرُهُ كُلُّ عَيْنٍ، وَالَّذِينَ طَعَنُوهُ، وَيَبْنُوهُ عَلَيْهِ جَمِيعُ قَبَائِلِ الْأَرْضِ. نَعَمْ آمِينَ (رؤ1:7)

كل الناس لازم تشوف المنظر دة, والمرة دى جاى والوف وربوات من الملائكة القديسين جايبين فى زفتة, عشان الناس كلها تعرف ان المسيح المتواضع اللي مشى عالارض واتذل ومات عشان البشرية هو ذاته اله حقيقى من اله حقيقى. نور من نور هو ربنا له كل المجد والعظمة الى الابد.

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِئِ، فَإِنَّ ابْنَ الْإِنْسَانِ يَسْتَحِي بِهِ مَتَى جَاءَ بِمَجْدٍ أَبِيهِ مَعَ الْمَلَائِكَةِ الْقَدِيسِينَ (مر8:38)

اللى عايش مستنى اليوم دة لن يستحى ابد انة يتكلم عن المسيح او يعيش مسيحي صح, اللى ناسى اليوم دة هيجيله لحظة يستحى لان المسيح لة المجد مش شاغلة, اللى شايف المسيح جاى عالسحاب فى مجد ابية طبعا مفيش حاجة فالدنيا تخوفة ولا تفرق معاة, هيشهد للمسيح وهيمشى ورا المسيح مهما كلفة عشان اليوم دة, عشان المسيح وهو جاى عالسحاب يقولة تعالى انت تبعى.

لكن اللى مش مشغول باليوم دة هتضيع كل حاجة عشان كدا فى كل صلواتنا نقعد نقول: وننتظر قيامة الاموات وحياة الدهر الاتى لو منتظرناش نقع, نستحى ونعيش زى الناس وخلص.

ولان المسيح لة المجد اتكلم عن مجد مجيئة وبالنسبة للتلاميذ يعنى مش شايفين حاجة, شايفينة عادى قدام عنيهم عطلول هيحصل التجلى دلوقتى, هنبدا فى التجلى دلوقتى. لية؟ تأكيدا ان اللى بيقولة المسيح دة حقيقى. عشان هما يمكن جة فبالهم يعنى انت يارب كدا هتيجى عالسحاب وملائكة وقديسين انت نفسك! فنلا يتشكوا ولان ايمانهم لسة مبتدئ ومش مصدقين اوى, مع ان بطرس لسة بيقول:

فَقَالَ لَهُمْ: «وَأَنْتُمْ، مَنْ تَقُولُونَ إِنِّي أَنَا؟» فَأَجَابَ بَطْرُسُ وَقَالَ لَهُ: «أَنْتَ الْمَسِيحُ (مر8:29)

ربنا يسوع هيسعفهم بالتجلى دلوقتي كبرهان على اللي هيحصل بعد كدا, تأكيد الوعد اللي جاى عالسحاب فى مجدة هو ذاته اللي هيشوفوة فى مجد عظيم دلوقتي.

لَأَنَّ مَنْ اسْتَحَى بِي وَبِكَلَامِي فِي هَذَا الْجِيلِ الْفَاسِقِ الْخَاطِي، فَإِنَّ ابْنَ الْإِنْسَانِ يَسْتَحَى بِهِ مَتَى جَاءَ بِمَجْدٍ أَبِيهِ مَعَ الْمَلَائِكَةِ الْقُدِّيسِينَ (مر8:38)

اصحاح 9

وَقَالَ لَهُمْ: «الْحَقُّ أَقُولُ لَكُمْ: إِنَّ مِنْ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

يبدا شافهم متشككين ومش مصدقين اوى فقالهم: طيب بصوا هقولكوا حاجة..

وَقَالَ لَهُمْ: «الْحَقُّ أَقُولُ لَكُمْ: إِنَّ مِنْ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

- يبقى معناها بان الاية دى معناها شكلكم مش مصدق, طيب بصوا قبل ما هتموتوا مش احنا متفقين ان القيامة دى بعد ما هتموتوا لا اية راكوا بقى هفرجكم عليها قبل ماتموتوا, فرجكم على عينة عشان تصدقوا قبل ما تدوقوا الموت لان شكلكم مش مصدق حكاية المجد والعظمة اللي انا بتكلم فيها,

مش قادرين تشوفوا غير ابن الانسان مش عارفين تشوفوا انه هو نفسه ابن الله برضو, قالهم طب بصوا:

وَقَالَ لَهُمْ: «الْحَقُّ أَقُولُ لَكُمْ: إِنَّ مِنَ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

من الواقفين, من اللى حاضرين.

وَقَالَ لَهُمْ: «الْحَقُّ أَقُولُ لَكُمْ: إِنَّ مِنَ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

كان يقصد بطرس ويعقوب ويوحنا الثلاثة اللى هيحضروا التجلى.

وَقَالَ لَهُمْ: «الْحَقُّ أَقُولُ لَكُمْ: إِنَّ مِنَ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

• يبقى معناها ببساطة الاية دى.. **اول تفسير** ليها الاباء قالوة انة كان يقصد حادثة التجلى, ربنا هيختار منهم عينة

ويمكن الاقرب لية بطرس ويعقوب ويوحنا ويفرجهم على مجدة تأكيدا بس للى قاله, تأكيدا على لاهوته وعلى مجينة وعلى انة هو ديان وعلى ان كل الانبياء بيعبدوة كاله مش كإنسان عادى, فعشان كدا هي عمل التجلى فقالهم:

وَقَالَ لَهُمْ: «الْحَقُّ أَقُولُ لَكُمْ: إِنَّ مِنَ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

هنا ملكوت الله يعنى اية يبقوا بصوا عالسما, يبقوا كأنهم بصوا عاللى هيحصل دلوقتى عشان بس يعرفوا ان اللى بيقولة المسيح حق.

وَقَالَ لَهُمْ: «الْحَقُّ أَقُولُ لَكُمْ: إِنَّ مِنَ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

طبعا التجلى فية قوة عظيمة جدا لكن طبعا لا توازى القوة والمجد اللى جاى بيهم المسيح عالسحاب فى اليوم الاخير لكن عينة عشان يتأكدوا.

• **تفسير تانى** قالوة الاباء.. هما الناس مش مصدقة ان المسيح لة المجد هو الملك ودة ملكوتة وملكوتة يأتى بقوة,

قالهم انتو شايفين اللى انا بقولة.. بقول متستحوش بيا ولا بكلامى, والانجيل هينتشر والملكوت هينتشر, طيب منكو ناس هتعيش وتشوف ملكوت الله قد اتى بقوة,

جيل التلاميذ عاش وشاف, مفاتش سنوات الا واسم المسيح اتعرف فى كل مكان ودخل الملكوت حياة البشر, وانهزمت مملكة الشيطان ووقع جبروت وسلطان ابليس, وخرب الهيكل اليهودى اللى كان انحرف عن الطريق المستقيم, ودخل الايمان المسيحى حتى معابد الاوثان وحولها لكنائس,

وَقَالَ لَهُمْ: «الْحَقُّ أَقُولُ لَكُمْ: إِنَّ مِنْ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

الجيل الاولانى كانت المسيحية ماشية فية بسرعة جدا تأكيداً للحقيقة اللى اعلنها المسيح.

وَقَالَ لَهُمْ: «الْحَقُّ أَقُولُ لَكُمْ: إِنَّ مِنْ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

يعنى قبل ما يموتوا هيشوفوا الملكوت بتاعى وقد اتى بقوة.

• **تفسير تالت** قالوة الاباء وكل التفاسير دى مقبولة لانها ماشية مع ايماننا المسيحى الارثوذكسى, انة منكم يا

ناس يا عايشة دلوقتى..

وَقَالَ لَهُمْ: «الْحَقُّ أَقُولُ لَكُمْ: إِنَّ مِنْ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

• قبل ماتدوق الموت هدوقك الملكوت دلوقتى, مش احنا مستنيين الملكوت؟ مستنيين نشوف المسيح فى مجدة؟ ومستنيين نقعد مع الملائكة والقديسين فى السما ومستنيين نتمتع بالحياة الابدية؟ هدوقهاك من دلوقتى وانت عايش عالارض. بمعنى اية؟ دة اللى قصده لما المسيح قال:

وَلَا يَقُولُونَ: هُوَذَا هَهُنَا، أَوْ: هُوَذَا هُنَاكَ! لِأَنَّ هَا مَلَكُوتَ اللَّهِ دَاخِلَكُمْ (لو21:17)

- يعنى اية؟ يعنى الانسان اللى يقرب من ربنا اوى جواة يتحول الى ملكوت, فيبقى الملكوت دخلة واتى الية بقوة وهو لسة ماشى على رجلية, القديسين اللى عاشوا وسطينا عالارض داقوا طعم السماء, كانت فرحتهم فرحة سماوية, كانت قلوبهم نقية ويعاينون الله وهما لسة عايشين, كانت السما بالنسبالهم مفتوحة واحد زى استفانوس ولا بولس ولا القديسين دول كانوا كل شوية يشوفوا السماء مفتوحة.. اية اللى حصل!

وَقَالَ لَهُمْ: «الْحَقُّ أَقُولُ لَكُمْ: إِنَّ مِنَ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

- كأنة الملكوت اتفتح على الناس بمجئ المسيح, ودة نلاحظه فى يوحنا 1 لما المسيح يختم اول اصحاب ويقول لثنائيل: انت صدقت عشان الكلمتين اللى قولتھم لك بس.. طب اية راك من هنا ورايح انت هتشوف السما مفتوحة والملايكة نازلة طالعة على ابن الانسان.

وَقَالَ لَهُمْ: «الْحَقُّ أَقُولُ لَكُمْ: إِنَّ مِنَ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

- يعنى السكة اتفتحت للسماء, مبقتش السماء فى وادى والارض فوادى, مبقاش الملكوت بعيد والدنيا ضلمة فى حالها بدال المسيح جة نور حقيقى دخل العالم واتفتح طريق الملكوت, والناس وهى عايشة ولم تذق الموت قد تتمتع ببصيص من مجد السماء من طعم السماء. يبقى عندنا 3 معانى للاية دى..

- (1) **المعنى المباشر** ان التجلى هيحصل دلوقتى, بعدها بايام اثباتا لكلام المسيح عن مجده, وانة بالرغم انة هيموت وهيظلم ويقتل انما هيقوم بمجد عظيم وهيشوفوا الكلام دة فالتجلى دليل على قوة قيامته وقوة لاهوته.
- (2) **المعنى الثانى** ان التلاميذ هيحضروا انتشار الملكوت ومجينة الى العالم بعد يوم الخمسين, ودخول الملكوت حياة البشر بقوة من قبل مايموتوا ويروحوا السماء.
- (3) **معنى ثالث** انى انا نفسى ممكن قبل ما ادوق الموت ادوق الملكوت بشكل ما وبطعم ما جوة قلبى لانة..

وَلَا يَقُولُونَ: هُوَذَا هَهُنَا، أَوْ: هُوَذَا هُنَاكَ! لِأَنَّ هَا مَلَكُوتُ اللَّهِ دَاخِلَكُمْ (لو21:17)

نلاحظ برضو ربنا يسوع قال

وَقَالَ لَهُمْ: «الْحَقَّ أَقُولُ لَكُمْ: إِنَّ مِنَ الْقِيَامِ هَهُنَا قَوْمًا لَا يَدُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

طيب متقول يموتون وخلص يارب.. ربنا يسوع كأنه مبيحش يقول كلمة مات دى لانه من ساعة ما المسيح جالنا الموت موجود بس بطل مفعولة, زى سم لكن راح منة المادة السامة, فهو الموت كان سم لكن بعد ما المسيح مات بالموت داس الموت.

أَيْنَ شَوْكَتِكَ يَا مَوْتُ؟ أَيْنَ غَلْبَتِكَ يَا هَاوِيَّةُ؟ (1كو15:55)

فين راح تأثيره؟ بطل ملوش تأثير, بنموت اة بس كأننا رايعين فسحة, بنموت وكأننا بننام زى ما المسيح قال, او كأننا مسافرين سفرية حلوة وطويلة وحلم جميل جدا لا ينتهى فبطل الموت, فعشان كذا بقى ربنا يسوع بيقولها:

وَقَالَ لَهُمْ: «الْحَقَّ أَقُولُ لَكُمْ: إِنَّ مِنَ الْقِيَامِ هَهُنَا قَوْمًا لَا يَدُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

لان ربنا ليس اله اموات

لَيْسَ هُوَ إِلَهَ أَمْوَاتٍ بَلْ إِلَهَ أَحْيَاءٍ. فَانْتُمْ إِذَا تَضَلُّونَ كَثِيرًا (مر12:27)

فلما قالولة ابراهيم مات واسحق مات ويعقوب مات قالهم بصوا ربنا مش اله اموات, دول مامتوش انا مازلت اله ابراهيم واسحق ويعقوب لانه..

لَيْسَ هُوَ إِلَهَ أَمْوَاتٍ بَلْ إِلَهَ أَحْيَاءٍ. فَانْتُمْ إِذَا تَضَلُّونَ كَثِيرًا (مر12:27)

هما عندى فالسماء مين قال انهم ماتوا؟ هما داقوا الموت, وعشان كذا نلاحظ احنا غشيناها فالصلاة نقول: يامن ذاق الموت بالجسد وقت الساعة التاسعة يعنى مش بنقولة يامن مات, صحيح المسيح مات لكن عاوزين نركز فى المعنى انه داق الموت, داقة لكن متغلبش منة طبعا فمعادش الموت بيغلب حد لا المسيح ولا المسيحيين اللى وراة.

يغلب غير المسيحيين لكن المسيحي اللى ماشى ورا المسيح بالموت داس الموت, فقال طول مانتو ماشيين ورايا هتدوقوا الموت ومن قبل ما تدوقوا الموت هدوقكم الملكوت, وبعد الموت كمان تشوفوا الملكوت براحتكم فبيقول:

وَقَالَ لَهُمْ: «الْحَقُّ أَقُولُ لَكُمْ: إِنَّ مِنْ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

يمكن تفكرنا كمان ان المسيح ليلة صليبة قال:

فَأَجَابَ يَسُوعُ وَقَالَ: «لَسْتُ مَا تَطْلُبَانِ. أَتَسْتَطِيعَانِ أَنْ تَشْرَبَا الْكَاسَ الَّتِي سَوْفَ أَشْرَبُهَا أَنَا، وَأَنْ تَصْطَبِعَا بِالصَّبْغَةِ الَّتِي أَصْطَبِعُ بِهَا أَنَا؟» قَالَا لَهُ: «نَسْتَطِيعُ (مت20:22)

كان الموت شفطة, وبعد كذا لما ام يعقوب ويوحنا جاية تقولة متخلى واحد على يمينك وواحد على شمالك قالها:

فَأَجَابَ يَسُوعُ وَقَالَ: «لَسْتُ مَا تَطْلُبَانِ. أَتَسْتَطِيعَانِ أَنْ تَشْرَبَا الْكَاسَ الَّتِي سَوْفَ أَشْرَبُهَا أَنَا، وَأَنْ تَصْطَبِعَا بِالصَّبْغَةِ الَّتِي أَصْطَبِعُ بِهَا أَنَا؟» قَالَا لَهُ: «نَسْتَطِيعُ (مت20:22)

• يعنى هيدوقوا بس, يقدروا يدخلوا عالموت بالقلب دة! يقدروا يشيلوا صليبهم صحيح ومستعدين يموتوا عشاني! هي مفهمتش افكرت كاس بجد بتاعت الملوك وكدا, قالتلة يقدروا, قالها خلاص هيقدروا.

وفعلا الاتنين داقوا الموت لكن متغلبوش من الموت, يعقوب كان اول واحد يروح السماء من ال12 ويوحنا اخر واحد من ال12 انما كلهم وصلوا السماء وشربوا من الكأس, وخذوا مراكز فالسمااء كبيرة اوى.

وَقَالَ لَهُمْ: «الْحَقُّ أَقُولُ لَكُمْ: إِنَّ مِنْ الْقِيَامِ هَهُنَا قَوْمًا لَا يَذُوقُونَ الْمَوْتَ حَتَّى يَرَوْا مَلَكُوتَ اللَّهِ قَدْ أَتَى بِقُوَّةٍ (مر9:1)

وعندها بقى كل الاناجيل بعد ماذكرت الاية دى اتكلمت عن التجلى متى ومرقس ولوقا, عشان تقول اية: المسيح قال ملكوت الله هتشفوة هيفرجنا بقى, هيفرجنا على عينة..

وَبَعْدَ سِتَّةِ أَيَّامٍ أَخَذَ يَسُوعُ بُطْرُسَ وَيَعْقُوبَ وَيُوحَنَّا، وَصَعَدَ بِهِمْ إِلَى جَبَلٍ عَالٍ مُنْفَرِدِينَ وَحَدَّهُمْ. وَتَغَيَّرَتْ هَيْئَتُهُ قُدَّامَهُمْ (مر9:2)

❖ كائة بيقولهم: مش انا اتفقت معاكم هتشفوا الملكوت تعالوا افرجكم, هما طبعاً رايعين الفسحة دى ومش فاهمين, مكانوش فاهمين انة بيتمم الوعد اللى قاله قبلها بأسبوع. اية حكاية 6أيام بقى؟ طب لية محصلش عطول, ولية محصلش للكل؟ متى ومرقس قالوا انة بعد 6أيام معلمنا لوقا قال:

وَبَعْدَ هَذَا الْكَلَامِ بَنَحُوا ثَمَانِيَةَ أَيَّامٍ، أَخَذَ بُطْرُسَ وَيُوحَنَّا وَيَعْقُوبَ وَصَعَدَ إِلَى جَبَلٍ لِيُصَلِّيَ (لو9:28)

لو مثلا من يوم الثلاثاء للثلاثاء قولنا 6 أيام صح؟ صح لو محسبناش الثلاثاء الاول ومحسبناش الثلاثاء الثانى يبقى 6 أيام فالنص, لو قولنا بعد حوالى 8 أيام يعنى فالثامن من انهاردة. غلطنا فى حاجة؟ لو حسبنا الثلاثاء الاول وعدينا هنلاقى الثلاثاء القادم هو اليوم الثامن, يبقى لامتى ولا مرقس ولا لوقا غلطانين هو نفس اليوم اللى قصودة.

لية ذكر بهذة الطريقة؟ الاباء المفسرين يحبوا دائما يغوصوا وراء الارقام, قالوا اصل 6دى دة البشرية الناقصة, يعنى ربنا خلق فى 6 أيام بس الانسان ناقصة الخلاص مكتملش لسة فالسادس, المسيح جة مات فاليوم السادس عشان يتمم الفداء وقام فالثامن.

المسيح مات فالسادس نقولة: يامن فى اليوم السادس وفى وقت الساعة السادسة, وقام يوم الاحد اللى هو اليوم الثامن, فكان التجلى مبنى عالسادس والثامن.. فى السادس موت المسيح والثامن قيامته, فـ

الذى يعيش بموت وقيامه المسيح يتمتع بالتجلى.

اللى يدوق طعم اليوم السادس اللى المسيح صلب لاجلنا فيه, ويدوق طعم اليوم الثامن اللى قام المسيح من الموت منتصر لحسابنا هو دة اللى فاهم مفتاح السما فى ايدة.

❖ كمان 6 إشارة الى العجز.. يعنى احنا كبشر عاجزين ندخل السماء, عاجزين نشوف الملكوت لوحدنا محتاجين اللى يفرجنا, اللى يدخلنا, اتى الينا المسيح لة المجد وطلعنا برا السبع ايام خالص وقالنا تعالوا نبتدى حياة ابدية, حياة مابعد الحياة, حياتنا دى سبعت اسابيع تعالوا نبتدى حياة بدون زمن, عشان كدا المسيح اختار يقوم فاليوم الثامن مش السابع.

❖ السابع هو السبت المسيح قام فى الاحد. لية؟ كآنة دخل معنا فى حياة جديدة حياة ابدية, الحياة الارضية من السبت للسبت, من السبت للسبت دة نظام العهد القديم كدا, السابع بتاعنا السبت, السابع دة متذكرش. لية؟ السادس دخل المسيح الى عجزنا البشرى وانقذنا من ذل الموت والخطية, وطلع برا الزمن خالص وفتح لينا طريق الحياة الابدية فى اليوم الثامن مابعد هذة الحياة.

عشان كدا احنا كل أحد نعيد ونقول: هذا هو اليوم الذى صنعة الرب, يوم لا ينتهى يوم الحياة الابدية, كأننا كل يوم نطلع برا الدنيا ونطلع برا السبعت, نطلع برا الحياة اللى عالارض وندخل السماء اللى مفيهاش زمن, يوم بلا نهاية بدأة المسيح بقيامته بلا نهاية, فاللى قال 6 صح واللى قال 8 صح وراكبين على نفس اليوم لكن المعنيين ليهم اعماق اخرى.

**وَبَعْدَ سِتَّةِ أَيَّامٍ أَخَذَ يَسُوعُ بُطْرُسَ وَيَعْقُوبَ وَيُوحَنَّا، وَصَعَدَ بِهِمْ إِلَى جَبَلٍ عَالٍ مُنْفَرِدِينَ وَحَدَّهُمْ.
وَتَغَيَّرَتْ هَيْئَتُهُ فُدَّامَهُمْ (مر 2:9)**

❖ كأن ربنا يسوع عاوز يقول: اللي عاوز يدوق الملكوت من دلوقتي يطلع معايا الجبل, ومش كل الناس بتطلع الجبل, فاللي يقبل يطلع الجبل يطلع برا الدنيا ويسموا فوق الحياة الارضية ويتمتع بالملكوت من دلوقتي, هيدوق طعم الحياة الابدية ولو عينة لغاية مايدخل السما,

دة اللي خلى الرهبان يطلعوا الصحراء والمتوحدين والشهداء. لية؟ اية اللي بيخرجهم برا الدنيا؟ عشان عشق التجلى عاوزين يشوفوا المسيح فى مجدة, عاوزين يتمتعوا بالحضور الالهى الممتع اللي جاى دة, فعاوزين يطلعوا عالجبل بحيث الدنيا تصغر خالص وينسوا اللي وراهم خالص ويبقى مفيش غير ربنا.

خد عينة.. خد بطرس ويعقوب ويوحنا قد يكونوا الثلاثة المقربين, المقربين دايمًا عايدة على حبهم هما مش حب المسيح, المسيح لة المجد حبة لكل غير محدود, بس مش حب كل واحد فينا زى التانى.

❖ بطرس ويعقوب ويوحنا قد يكونوا اكثر من احب المسيح من ال12 فتمتعوا بالخصوصية دى, عشان كذا خدهم جثيمانى لوحدهم, واقامة ابنة يائرس كانوا لوحدهم, وادى التجلى لوحدهم وشافوا اللي مشافهوش الباقين, معناها..

كل اما نحب ربنا ونقرب منة اكثر كل اما نشوف حاجات اكثر كل اما تتمتع بخبرات غير بقية الناس.

انما احنا عاوزين نتمتع زى فلان وفلان لا احنا اية اللي هيحبنا لمارجرس وابوسيفين! دول حبوا المسيح اكثر فربنا بيمتعهم بحاجات اكثر لكن هو بيحبنا زيهم, الهم والباقي علينا, الشطارة عندنا بقى.

بعض الاباء قالوا: بطرس ويعقوب ويوحنا اشارة للاعمدة الثلاثة للملكوت, الملكوت لية 3 عواميد..

1- عامود الايمان.

2- عامود الرجاء.

3- عامود المحبة.

بطرس يمثل الايمان عشان لسة قايل الاصحاح اللي فات قالة:

فَقَالَ لَهُمْ: «وَأَنْتُمْ، مَنْ تَقُولُونَ إِنِّي أَنَا؟» فَأَجَابَ بَطْرُسُ وَقَالَ لَهُ: «أَنْتَ الْمَسِيحُ (مر8:29)

قالة: على هذة الصخرة ابني كنيسة, يبقى كأن بطرس حطلنا قانون ايمان.

يوحنا طبعا مش هنختلف عليه المحب الحبيب اللى طول الوقت يقول حبوا بعض, واللى عاشق المسيح لة المجد.

اما **يعقوب** اخو يوحنا اول واحد جرى عالسماء, اول واحد استشهد من ال12 فى اعمال12 نلقى هيرودس قطع رأس

يعقوب ابن زبدي بالسيف بدرى اوى, قبل ما نسمع عن كرازة بولس ورحلاته, فى الاربعينات من القرن الاول ملحقتش.

لية؟ كانة دة عددة رجاء يدخل السماء مستعجل, فيعقوب طلع جرى, ما يمكن بعد 10 سنين ولا حاجة من الصعود ياة يدوب
كامل كام سنة عالارض وكان قلبه فالسماء بقى, عاوز يحضر التجلى علطول مستخسر يقعد عالارض, فربنا حقتلة اشتياقاته
وسابة يدخل السماء بسرعة, فكان..

يعقوب يمثل الرجاء وبطرس يمثل الايمان ويوحنا يمثل المحبة والتلاتة يدخلوا الملكوت.

التلاتة اعمدة, والتلاتة دوب يقول عنهم بولس فى كورنثوس الاولى13:

أَمَّا الْآنَ فَيَثْبُتُ: الْإِيمَانُ وَالرَّجَاءُ وَالْمَحَبَّةُ، هَذِهِ الثَّلَاثَةُ وَلَكِنَّ أَكْبَرَهُنَّ الْمَحَبَّةُ (1كو13:13)

يعنى التلاتة دول لازم نراجع نفسنا عليهم.. عندنا منهم ولا لا؟ عشان بيقالنا نصيب فالملكوت, عشان نحضر التجلى الذى لا
ينتهى فالسماء لازم يكون عندنا من دول, نغش من بطرس الايمان, ومن يوحنا المحبة, ومن يعقوب الرجاء.

**وَبَعْدَ سِتَّةِ أَيَّامٍ أَخَذَ يَسُوعُ بَطْرُسَ وَيَعْقُوبَ وَيُوحَنَّا، وَصَعَدَ بِهِمْ إِلَى جَبَلٍ عَالٍ مُنْفَرِدِينَ وَحَدَّهُمْ.
وَتَغَيَّرَتْ هَيْئَتُهُ قُدَّامَهُمْ (مر9:2)**

حكاية الجبال فى حياة المسيح عاوزة دراسة وتأمل طويل او الجبال ككل, موسى كان رجل الجبال وايليا كان رجل الجبال
وهيجو دلوقتى فالتجلى, والمسيح يوم مايو عظ موعظة يوعظها عالجبلى, ويوم مايطلع يصلى يصلى عالجبلى, ويوم مايو زرع
الخمسة خبزات نلقى مرة عالجبلى, ويوم مايصعد يصعد من على جبل ولما يتجلى يتجلى على جبل,

ولما يصلب يصلب على جبل. اية حكاية الجبال يارب! وزمان يكلم موسى من عالجبلى يقولة اطلعنى ياموسى عالجبلى,
وموسى سقعد بالاربعةين يوم عالجبلى, يوم مايليا يتعب شوية ويكتتب ويبيس يقولة تعالى الجبل, الجبال مالية الكتاب.

الجبال دايمى رمز للخلوة او الاختلاء, الخروج برة العالم, والجبال معناها حاجة بين الارض والسما انا طالع من الارض بس
عنى لى فوق عمال بطلع. فعملية الصعود دى الاختيارى اللى فيها مجهود, لان النزول سهل اللى يجى ينزل سالام مينهجش
وانما اللى يطلع دور ينهج, فعملية الصعود فيها شوية مجهود بس هو المطلوب, النزول دة شغل عدو الخير.

كونى بصعد وبأرتفع زى ما بيقول فالرؤيا:

بَعْدَ هَذَا نَظَرْتُ وَإِذَا بَابٌ مَفْتُوحٌ فِي السَّمَاءِ، وَالصَّوْتُ الْأَوَّلُ الَّذِي سَمِعْتُهُ كَبُوقٌ يَتَكَلَّمُ مَعِيَ قَائِلًا: «اصْعَدْ إِلَى هُنَا فَأُرِيكَ مَا لَا بُدَّ أَنْ يَصِيرَ بَعْدَ هَذَا(رؤ1:4)

الملاك يقول ليوحنا الرائي كذا.. تعالى فوق وانا افرجك, مهي دى دعوة لكل تعالى فوق وانا افرجك, تعالى فوق انهاردة يعنى اطلع برا الدنيا شوية, اختلى برنا وتسامى فوق الاكل والشرب والحاجات دى, ودة طبعاً موسم الصيامات عندنا كلة من النوع دة فية حته صعود وارتفاع.

تعالى اطلع لفوق لغاية لما نحب الحكاية دى يقولنا طيب خلاص تعالوا علطول, تعالوا علطول يبقى مش هننزل تانى, انما كل مرة نطلع نقولة طيب يارب متخلينا هنا يقولنا لسة شوية, انزلوا تانى وهطلعكم ونطلع وننزل وكل مرة نقول زى بطرس

فَجَعَلَ بُطْرُسُ يَقُولُ لِيَسُوعَ: «يَا سَيِّدِي، جَيِّدٌ أَنْ نَكُونَ هَهُنَا. فَلْنَصْنَعْ ثَلَاثَ مَظَالٍ: لَكَ وَاحِدَةً، وَلِمُوسَى وَاحِدَةً، وَلِإِيلِيَّا وَاحِدَةً(مر5:9)

متخلينا هنا.. يقول لسة وراكم شوية شغل فية شوية مسئوليات انزلوا شوية تانى, وقلبكم هنا سيبوا قلبكم عندى وانزلوا, هي دى عملية الارتفاع الجبال اللى مالية الكتاب, مرة نشبع بخبز الحياة اللى بيتوزع المسيح, مرة نشبع بكلمة الله زى موسى او زى يوم الموعظة عالجبل, مرة نشبع بالصعود واحنا عمالين نتأمل فالسماويات,

مرة نشبع بالصليب واحنا بنتأمل فى محبة المسيح عالصليب.. كل دة كان عالجبال, مرة نعالج اكتائبنا ويأسنا زى ايليا ونطلع الجبل, مرة يبقى وشنا اسود من الهموم ونطلع وننزل زى موسى وشنا منور من النعمة والسعادة.. كل دة شغل الجبال.

وَبَعْدَ سِتَّةِ أَيَّامٍ أَخَذَ يَسُوعُ بُطْرُسَ وَيَعْقُوبَ وَيُوحَنَّا، وَصَعِدَ بِهِمْ إِلَى جَبَلٍ عَالٍ مُنْفَرِدِينَ وَحَدَّهُمْ. وَتَغَيَّرَتْ هَيْئَتُهُ قُدَّامَهُمْ(مر2:9)

+لإلهنا كل مجد وكرامة إلى الأبد آمين+

Anba Abraam Media

الخرمة محتاجة الكلل و الكلل محتاج الخرمة